



Ponuda softverskog rješenja za studentsku stranicu (ISSS)

Poštovani,

Nakon uvida u principe Vašeg poslovanja te u trenutno stanje sistema, nudimo Vam potpuno novi sistem koji će otkloniti poteškoće sa kojima su se do sada korisnici susretali. Također, novi sistem pruža mnogo jednostavniji i efikasniji način prenosa relevantnih informacija svim korisnicima.

Značaj uloge informacionih tehnologija u svakodnevnom poslovanju je neupitan, stoga postaje očito da ostati u koraku sa najnovijim tehnologijama, uz istovremeno zadovoljstvo svih korisnika, predstavlja tajnu uspjeha. Ono što je prijeko potrebno svim studentima univerziteta je brz, pouzdan i nadasve jednostavan centralni informacioni sistem. Sistem koji nudimo omogućava studentima da u svega par klikova miša dođu do svih potrebnih informacija, što ostavlja mnogo više vremena da se posvete pravom razlogu zbog kojeg pristupaju sistemu - studiranju.

Na osnovu razgovora kojeg smo obavili sa Vašom predstavnicom, formiran je detaljni model mogućnosti koje će ponuđeni sistem pružiti studentima:

- Pregled predmeta koje su pohađali, uz prikaz opisa predmeta te opšteg uspjeha na tom predmetu
- Pregled predmeta koje trenutno pohađaju
- Pregled obavještenja vezanih za predmete koje slušaju u datom semestru
- Pregled osnovnih informacija o predmetima koje će moći slušati u narednom periodu
- Prikaz statističkih podataka kao što su upisane ocjene te ostvareni prosjek po semestrima odnosno po ciklusima
- Pristup njihovom vlastitom korisničkom profilu sa prikazom svih ličnih informacija

Svjesni smo da je veoma bitno pružiti ugodno i jednostavno okruženje koje će studentima omogućiti da vrijeme potrošeno na administrativni dio njihovog studiranja svedu na nužni minimum.

Zašto se odlučiti na uvođenje ovog sistema?

Dosadašnji sistem je poprilično zastario te više ne odgovara potrebama studenata. Primijećen je određeni broj nepravilnosti u izvođenju određenih akcija, što je ne rijetko rezultovalo žalbama studenata, te samim time i otežavalo rad studentskih službi.

Pored toga, komplikovan i staromodan vizuelni doživljaj korisničkog interfejsa postojećeg sistema se kosi sa slikom modernog univerziteta kakvim se Vaš univerzitet predstavlja.

Najvažnije karakteristike našeg sistema su

- Dostupnost svih potrebnih informacija o predmetu
- Jednostavno korištenje
- Savremen dizajn

Uz naš tim iskusnih i provjerenih dizajnera i inženjera, možemo Vam garantovati da će ovi problemi postati prošlost.

Naša ponuda, predstavljena u brojkama, glasi ovako:

- Cijena sistema (održavanje je uračunato) : 6000 KM
- Garancija i održavanje: 2 godine
- Vrijeme realizacije projekta: 80 dana

Zašto baš Imamović Solutions?

Imamović Solutions je kompanija koja se bavi razvojem specijaliziranog softvera krojenog po željama i potrebama klijenata. Poslovanje naše kompanije zasniva se na razvoju web aplikacija, no sa konstantno promjenjivim trendovima u svijetu informacijskih tehnologija, proširili smo poslovanje i na razvinje mobilnih aplikacija, specijaliziranih ugrađenih system, te i ostalih vidova digitalnih medija. Kompanija je osnovana 1999. godine i danas predstavlja jednog od tržišnih lidera na nivou regiona, te pouzdanog partnera značajnom broju kompanija sa teritorija SAD, Kanade i EU. Pored iskustva u proizvodnji softvera u sferama finansija, telekomunikacija, medija te zabave, kompanija Imamović Solutions se ponosi saradnjom sa nekoliko univerziteta u regiji, kao što su Univerzitet u Zagrebu i Univerzitet u Beogradu.

Statistika za našu kompaniju glasi: više od 300 implementiranih projekata, tim od 6 talentovanih inženjera, proizvodi i usluge koje su pružene partnerima lociranim na 4 kontinenta.

Sve dodatne informacije o nama i našim projektima možete pronaći na našoj web stranici www.imamovic-solutions.com, te preko emaila: contact@imamovic.com.

Samo efikasno rješenje može zadovoljiti potrebe Vaše organizacije. Nadamo se da ćemo upravo mi biti Vaš izbor.